

戒子通錄

三

卷之四

膳錄監生

臣

章松雲

欽定四庫全書

戒子通錄卷五

宋 劉清之 撰

蘇丞相訓子孫詩

頌字子容丹陽人元祐丞相紹聖家居作述懷百韻以代家訓

今取其略云 按以後錄宋人語標題內俱不直書其名蓋當時尊禮先進之意今亦各仍其舊

我昔就學初髫童齒未亂嚴親念癡狂小藝誘愚鈍始
時授章句次第教篇韻十齡獨侍行千里赴朝覲應門
待賓客睦族周親分箕裘襲素風蘭芷漸腴潤佔畢自
忘勞攻堅常切問六經日沈酣百氏恣蹂躪羸書迨今

存手澤亦未泯賴此漸摩益稍知聖賢蘊風霜經六紀
蓬葆垂兩鬢念昔多艱勤誨爾宜悱憤名教樂有餘異
端多亂紊其要本誠明烏在問圓頓美璞不雕琢安得
懷瑜瑾良器不深藏渠能免瑕璽學問不沾洽何由垂
望聞操守不堅純久必成溜磷進修欲及時行違要無
悶當年儻因循晚歲必悔恨更思祖先勲相傳清白訓
出處有殊途豐約毋過分考室俟肯堂肥家在忍順常
使棣華榮無致荊枝忿中葺須自防外誘不可徇力行

儻不渝家聲期遠振

邵康節戒子孫

雍字堯夫洛陽人
熙寧徵士謚康節

上品之人不教而善中品之人教而後善下品之人教
亦不善不教而善非聖而何教而後善非賢而何教亦
不善非愚而何是知善也者吉之謂也不善也者凶之
謂也吉也者目不觀非禮之色耳不聽非禮之聲口不
道非禮之言足不踐非禮之地人非善不交物非義不
取親賢如就芝蘭避惡如畏蛇蝎或曰不謂之吉人則

吾不信也凶也者語言詭譎動止陰險好利飾非貪淫
樂禍疾良善如讎隙犯刑憲如飲食小則殞身滅性大
則覆宗絕嗣或曰不謂之凶人則吾不信也傳有之曰
吉人為善惟日不足凶人為不善亦惟日不足汝等欲
為吉人乎欲為凶人乎 戒子吟云至寶明珠非有類
全珍良玉自無瑕為珠為玉尚如此何況為人多過差
又云有過不能改知賢不肯親雖生人世上未得謂
之人 又云善惡無他在所存小人君子此中分改圖

不害為君子迷復終歸作小人良藥有功方利病白圭
無玷始稱珍欲成令器須追琢過失如何不就新 又
教子吟為人能了自家身千萬人中有一人雖用知如
未知說在乎行與不行分該通始謂才中秀傑出方名
席上珍善惡一何相去遠也由資性也由勤

孫宣公

奭字宗右博州人天禧從官疾甚徙正寢屏婢妾謂子瑜曰

逮吾屬續當母內姬妾獨若與諸孫在庶不死于婦人
之手

陳師德

閩人謂之為學十戒
集師德名定莆田人官右承奉郎

按朱子文

道不可不力學勿入諸子

經當潛心以終身勿作經

生行不可不砥礪勿作險怪

政事不可不學勿作

俗吏文不可不學勿作文士

詩不可不學勿作詩

人九流不可不貫穿勿泥小道

科目不可不勉應

勿作舉子書不可不學勿取書名

技藝不可不學

勿妨本業

胡翼之遺訓

名瑗泰州人嘉祐天章侍講

嫁女必須勝吾家者勝吾家則女之事人必欽必戒娶婦必須不若吾家者不若吾家則婦之事舅姑必執婦道

劉彥冲

子翬字彥冲建州人紹興通判興化軍訓其子珩云

吾聞之糟粕捐淳精聚誠意畢芻狗除此言雖小可以喻大孰為學問之粹而有益於吾身哉木樨而曲其老不舒人樨弗攻其成必愚故善學者必謹其初凡日用間業業乾乾散秩必恭執事必虔中惟不自輕雖奴隸

亦尊唾地如汙其畏如是寢則易安食則知味頰面奏
圓脫襟屣履每每存之斯無過矣自朝至昏以一條貫
焉勿謂末也本實由之母悅於新母駭於奇驟得必夸
久而寢微習而察焉豈曰無徵出指於所底止必恭其
次也頃刻之功初若不足外務奪之或斷或續及其至
焉皆其所積故君子許其進而惰夫疑以自絕原有生
之初愚智混混學如蛻焉其質乃變變非他知實由昔
見存之則誠體之則仁孰明此哉聖心之純性本渾全

或誤於未聞知誤勿執守之則真斯言不守何多求焉
棟宇雖充不如掩編如人有車身必自登弗軸弗輶則
何以行凡初有聞果然自足鬼岸恣睢自離於曲可口
之實出於凡木人或言志善忘惡彼真不賢可助余
之勗見賢可信信之不疑勿窺其小疵謂不足以為余
師我信乃自益我疑則自隳師乎師乎惟已之為溫故
知新吾昔所聞與今聞合豈不欣欣如膏熾薪心源益
明古人得善惟恐弗居如撲火捕亡其敢緩諸苟曰此

日姑且聊以優游則知終身無復好修惟命乃中局泯
泯焚焚以敬直之如風掃蚊一道通明振古如茲曰予
衰矣尚識前言子其循之學心有聞

張忠獻遺令

名浚字德遠廣漢人紹興丞相

婚禮不用樂三日後管領親家即隨宜使酒成禮可矣
不當效彼俗子徒為虛費無益有損 祭禮重大以至
誠嚴潔為主別置盤盞碗碟之類常切封鎖以待使用
喪禮貴哀佛事徒為觀看之美誠何益不若節浮費

而依古禮施惠宗族之貧者 賓客盡誠盡禮可也恣烹炮飾器用又羣集婦女言語無節昏志損財為害莫大

范魯公戒從子詩

質字太素大名人建隆宰相從子果嘗求奏遷秩質作詩曉之

去年初釋褐一命列蓬邱適會飛龍慶王澤天下沅爾得六品階無乃太為優如何志未滿意欲凌霄遊苦言品位卑寄書來我求省之再三嘆不覺淚盈眸吾家本寒素門地寡公侯先子有令德樂道嘗優游積善有餘

慶清白為詒謀伊余奉家訓孜孜務進修夙夜事勤肅
言行思悔尤出門擇交友防慎畏薰蕕省親嘗懼玷恐
掇庭闈羞童年志于學不敢墮箕裘二十中甲科赭尾
化為虬三十入翰苑步武向瀛洲四十登輔佐貂冠侍
冕旒備位行一紀將何助帝猷既非救旱雨豈是濟川
舟天子未遐棄日益素餐憂黃河潤九里草木皆浸漬
吾宗凡九人繼踵升官次門內無白丁森森朱綠紫鵷
行暨內職亞尹州從事府掾監省官高低皆清美悉由

僥倖然不因資考至朝廷懸爵秩命之曰公器才奢祿
及身有功賞於世非才又非功安得專厚利寒衣內府
帛饑食太倉米不蠶復不穡未嘗勤四體雖然一家榮
豈塞衆人議顛顛十目窺齷齷千人指借問爾與吾如
何不自愧戒爾學立身莫若先孝弟怡怡奉親長不敢
生驕易戰戰復兢兢造次必於是戒爾學干祿莫若勤
道藝嘗聞諸格言學而優則仕不患人不知惟患學不
至戒爾遠恥辱恭則近乎禮自卑而尊人先彼而後已

相鼠與茅鴟宜鑑詩人刺戒爾勿放曠放曠非端士周
孔垂名教齊梁尚清議南朝稱八達千載穢青史戒爾
勿嗜酒狂藥非佳味能移謹厚性化為凶險類古今傾
敗者歷歷皆可記戒爾勿多言多言衆所忌苟不慎樞
機災厄從此始是非毀譽間適足為身累舉世重交游
擬結金蘭契忿怨從易生風波當時起所以古人疾蘧
蒯與戚施舉世重任俠俗呼為氣義為人赴急難往往
陷囚繫所以馬援書勤勤告諸子舉世賤清素奉身好